

ADRODDIAD I'R

DYDDIAD:	Pwyllgor Trwyddedu 18 Medi 2013
SWYDDOG ARWEINIOL:	Pennaeth Cynllunio a Gwarchod y Cyhoedd
SWYDDOG CYSWLLT:	Uwch Swyddog Trwyddedu licensing@denbighshire.gov.uk 01824 706451
TESTUN:	Deddf Drwyddedu 2003 – yr Awdurdod Trwyddedu fel yr Awdurdod Cyfrifol

1. PWRPAS YR ADRODDIAD

- 1.1 Hysbysu'r Aelodau o'r trefniadau a roddwyd yn eu lle gan y Pwyllgor Trwyddedu fel bo'r Awdurdod Trwyddedu'n gallu cyflawni ei swyddogaeth fel Awdurdod Cyfrifol.

2. CRYNODEB GWEITHREDOL

- 2.1 Pan ddaeth Deddf Diwygio'r Heddlu a Chyfrifoldeb Cymdeithasol 2011 i rym, ychwanegwyd awdurdodau trwyddedu at y rhestr o Awdurdodau Cyfrifol o dan Ddeddf Drwyddedu 2003. Nod y newid deddfwriaeth hwn yw sicrhau bod awdurdodau trwyddedu'n gallu ymateb yn gynt i bryderon gan drigolion a busnesau lleol drwy gymryd y camau sy'n briodol ym marn yr awdurdodau i ddelio ag eiddo trwyddedig anghyfrifol heb orfod aros am sylwadau gan Awdurdodau Cyfrifol eraill.

3. Y PŴER I WNEUD Y PENDERFYNIAD

- 3.1 Deddf Drwyddedu 2003 a Deddf Diwygio'r Heddlu a Chyfrifoldeb Cymdeithasol 2011.

4. GWYBODAETH GEFNDIR

- 4.1 Mae gan Awdurdodau Trwyddedu bellach bwerau i gyflawni'r un swyddogaethau ag Awdurdodau Cyfrifol eraill o dan Ddeddf Drwyddedu 2003, gan gynnwys:
- Gwneud sylwadau perthnasol ar geisiadau newydd am drwydded a cheisiadau i amrywio trwyddedau
 - Gofyn bod yr awdurdod trwyddedu'n adolygu trwydded a roddwyd yn barod.
 - Gwneud sylwadau ar effaith gronnus bosibl cais mewn ardal lle mae polisi arbennig yn ei le ar effaith gronnus.

- 4.2 O dan Ddeddf 2003 nid yw'n ofynnol bod awdurdodau cyfrifol yn gwneud sylwadau ar geisiadau i roi trwydded i dafarn ayb, nac yn cymryd unrhyw gamau eraill yn ymwneud â gwahanol brosesau trwyddedu. Felly, lle'r awdurdod trwyddedu yw penderfynu pryd fyddai'n briodol iddo weithredu yn ei gapasiti fel Awdurdod Cyfrifol; dylai'r awdurdod trwyddedu wneud y penderfyniad hwn yn unol â'i ddyletswyddau o dan adran 4 Deddf 2003.
- 4.3 Ni ddisgwylir i awdurdodau trwyddedu weithredu fel Awdurdodau Cyfrifol ar ran partïon eraill (er enghraifft, trigolion lleol, cynghorwyr lleol neu grwpiau cymunedol) er bod rhai adegau lle gallai'r awdurdod benderfynu gwneud hynny. Gall y partïon hyn gyflwyno sylwadau perthnasol i'r awdurdod trwyddedu eu hunain, ac mae'n rhesymol i'r awdurdod trwyddedu ddisgwyl iddynt wneud sylwadau eu hunain lle bo'n rhesymol iddynt wneud hynny. Fodd bynnag, os na chymrodd y cyrff hyn y camau priodol ac mae'r awdurdod trwyddedu'n ymwybodol bod seiliau perthnasol dros wneud sylwadau, gall ddewis gweithredu yn ei gapasiti fel Awdurdod Cyfrifol.
- 4.4. Byddai Awdurdodau Trwyddedu'n disgwyl i Awdurdodau Cyfrifol eraill ymyrryd lle mae'r sail dros ymyrryd yn dod o fewn cylch gwaith yr Awdurdod Cyfrifol arall hwnnw. Er enghraifft, dylai'r heddlu wneud sylwadau lle mae'r sylwadau hynny'n seiliedig ar bryderon ynghylch troseddu ac anrhefn. Felly hefyd, mae'n rhesymol disgwyl i awdurdod lleol sydd â swyddogaeth iechyd yr amgylchedd wneud sylwadau lle mae pryderon ynghylch niwsans sŵn. Mae pob awdurdod cyfrifol yn gyfartal o dan Ddeddf 2003 a medrant weithredu'n annibynnol heb aros am sylwadau gan unrhyw Awdurdod Cyfrifol arall.
- 4.5 O dan Ddeddf 2003, gall awdurdodau trwyddedu weithredu fel Awdurdodau Cyfrifol er mwyn ymyrryd yn fuan; medrant wneud hynny lle teimlant ei bod yn briodol a heb orfod aros i Awdurdodau Cyfrifol eraill wneud sylwadau.
- 4.6 Mae'n bwysig gwahanu'r cyfrifoldebau o fewn yr awdurdod i sicrhau gweithdrefnau teg ac i osgoi unrhyw wrthdaro budd. Yn yr achosion hyn, penderfynir ceisiadau am drwydded gan yr Is-bwyllgor Trwyddedu sy'n cynnwys Aelodau Etholedig sy'n cael eu cynghori gan Swyddog Trwyddedu lle bo angen. Felly, gwahanir y cyfrifoldebau drwy ddyrannu swyddogaethau gwahanol (h.y. rhai'r awdurdod trwyddedu a rhai'r awdurdod cyfrifol) i wahanol swyddogion yn yr awdurdod. Yn yr achosion hyn, dylai awdurdodau trwyddedu ddyrannu'r gwahanol gyfrifoldebau i wahanol
- 4.7 Swyddogion Trwyddedu neu i Swyddogion eraill yn yr awdurdod lleol i sicrhau y gwahanir y cyfrifoldebau'n briodol. Rhaid i'r Swyddog sy'n cynghori'r Is-bwyllgor Trwyddedu (h.y. yr awdurdod sy'n gweithredu yn ei gapasiti fel yr awdurdod trwyddedu) fod yn berson gwahanol i'r Swyddog sy'n gweithredu ar ran yr Awdurdod Cyfrifol.
- 4.8 Ni ddylai'r Swyddog sy'n gweithredu ar ran yr Awdurdod Cyfrifol gymryd unrhyw ran yn y broses o benderfynu'r cais am drwydded ac ni ddylai drafod haeddiannau'r cais ag unrhyw un yn yr Awdurdod Trwyddedu sy'n

rhan o wneud y penderfyniad. Er enghraifft, ni ddylai'r Swyddog sy'n gweithredu ar ran yr Awdurdod Cyfrifol drafod haeddiannau'r achos gyda'r Swyddog sy'n delio gyda'r cais am drwydded. Dylai unrhyw gyfathrebu'n ymwneud â'r achos, rhwng y Swyddogion hyn, aros yn broffesiynol ac yn gyson â'r cyfathrebu ag Awdurdodau Cyfrifol eraill. Rhaid cyflwyno sylwadau, ac eithrio mewn rhai eithriadau prin, yn ysgrifenedig.

- 4.9 Lle'r Awdurdod Trwyddedu yw penderfynu sut rennir y gwahanol rolau i sicrhau bod y gwahanol gyfrifoldebau'n cael eu gwahanu'n briodol.
- 4.10 Awgrymir felly bod rôl yr Awdurdod Cyfrifol am Drwyddedu'n cael ei dyrannu i'r Uwch Swyddog Gorfodi Cymunedol.
- 4.11 Ni fydd a wnelo'r Uwch Swyddog Gorfodi Cymunedol ddim â phrosesu'r cais, ond bydd yn creu ffeil ar wahân i ystyried y cais ar ran yr awdurdod yn ei gapasiti fel yr Awdurdod Cyfrifol, ac yn cysylltu ag Awdurdodau Cyfrifol eraill lle bo hynny'n briodol gan benderfynu a yw'r awdurdod sy'n gweithredu fel yr Awdurdod Cyfrifol eisiau gwneud sylwadau.
- 4.12 Y ddau Uwch Swyddog Trwyddedu fydd yn derbyn a phrosesu'r ceisiadau. Dylai'r holl gyfathrebu rhwng y Swyddog sy'n ymarfer swyddogaeth yr Awdurdod Cyfrifol, a'r Swyddog sy'n prosesu'r ais, aros yn ffurfiol a chyson ag unrhyw gyfathrebu ag Awdurdodau Cyfrifol eraill.
- 4.13 Ym mhob gwrandawriad o'r Is-bwyllgor yn y dyfodol, dylai'r Swyddog sy'n gweithredu fel yr Awdurdod Cyfrifol am Drwyddedu eistedd gyda'r Awdurdodau Cyfrifol eraill, i sicrhau y rhoddir yr argraff i'r cyhoedd bod y gwahanol rolau wedi eu gwahanu.

5. **ARGYMHELLIAD**

- 5.1 Bod yr Aelodau'n cymeradwyo dirprwyo swyddogaeth yr Awdurdod Cyfrifol am Drwyddedu i'r Uwch Swyddog Gorfodi Cymunedol.